

雷氏宗譜

下首卷

原叙

自夫人得天之气以成形其有身也殆如水然其有子也如水之流也其有孙也如水之流而渐长也其孙复生孙继继承承生生不息如水之支复分支派衍无尽迥不知其亿万几千里也其有父也如水之来有自也其有祖与高曾祖且累而上至始祖如水必有源泛舟可沃也同宗不敢遗如水之孰为承源而下为大支分流而散为小支千支万派脉络相联也异宗不敢混如水之有江有淮有河汉界限划然也而要之统综条贯必有谱以叙之斯源流悉具不致有

雷氏宗譜

卷首 原叙

一 雷氏易堂

混杂遗失之憾我祖载七公肇基於咸四代单傳至五世 碧堂公

则生 咸中希圣二公 希圣公迁居本邑十都谷口 咸中公独

守 祖居彼此人湮浩繁星罗棋布于乾隆乙丑之冬合族切敦睦

之念奉 载七公为迁咸一世祖刊刻家乘分仁义礼智四号以便

考驗其中支复分支譬若水之汪洋澎湃散而有纪亦几几乎有朝

宗之象矣然序世而不探其本犹观水之不溯其源终无以成乎大

观犹记鑰自束发时族老为余言曰吾家世宅江西九江府鄱阳湖

德化县五龙河后自中叶复迁居江南安庆府望江自雷港驿西帷

堤大坂江南建有 雷氏宗祠一座在凤阳府博州下水湾便是

宗祠水出之处 载七公遭宋徽宗末年宋江寇乱故奔避至此尔

时余敬应之日唯唯今虽老大詎敢忘之特以江南地隔千里素未

经历兼之余发种种余视茫茫中宵兀坐辄唤奈何呜呼家谱大事

不无望於通敏凡我宗人力所能逮者勉之即力所能逮亦当左右

以赞襄之如有大展孝思者出先往江南否则复往江西探根謁窟

二处当必有合是犹乘槎而达天河矣谓非自 祖迄今先若后之

一大幸欤我远近宗族须知此意切勿仍兹暂刻致蹈数典忘祖之

雷氏宗譜

卷首 原叙

二

講易堂

訊也

1805

嘉庆十年岁次乙丑春月上浣

裔孙文钥谨撰

原叙

窃原人之生也效法於太极之动而已伊始之俦未必多也迨后生
齿日繁族属日增姓氏各殊纷若星罗棋布然奈远者易疏一本之
裔睽为路人原其心非忍至此也宗法既废谱序失传久矣则欲联
一姓之氏族正其苗裔序其昭穆判其尊卑辨其疏戚笃宗盟而绵
世好膈膜不生於同气虽百代之遥蕩然敦叙亲睦之意如一日詎
不赖有谱以维系之哉今岁 雷氏刊刻家乘余属葭末敬为之序
詒观 雷之著姓系出冯翊世居江南宋宣和二年遭宋江之乱

雷氏宗譜

卷首 原叙

三

講易堂

载七公去望江县奔趁楚省咸邑不初凶世其地税产甲州党家诗
书而人礼义以文发身者不少援例登籍者有之士农工商各务其
业纵富贵贫贱不等而守节安分知兼识耻不以穷通有间吉凶相
庆吊患难相扶持岁时节序相往来雍雍济济乖张陵犯之不闻固
有以见其纯厚之风傅诸奕叶引而弗替也矣爰乃据其所知自
载七公始下叙及於廿餘代世数井然行派不紊画为本支百世图
刊而成卷家给一册俾一覽谱牒灿然於若者为大宗若者为小宗
千花万朵总屬一根百川万斛同发一源则知嗣胃之蕃无非祖宗

積累所致，使繼此為子孫者，益務於孝敬，益篤於仁慈，福澤之膺，寧有艾乎。語云：根深者叶茂，源遠者流長。雷氏之謂矣，是為叙。

門下婿 險泉王魯源頓首拜撰

雷氏宗譜

卷首原叙

四

講易堂

原叙

窃闻谱与国史相表里。昔人作史。官史不足取。诸稗史又不足取。诸家传记曰：古之君子论撰其先世之美而明著之，后世顾先祖无美而称之，则诬有善而弗知，则不明，知而弗传，则不仁。此三者君子之所耻也。谱虽异於国史，而亦非敢妄作智往、病夫世之为谱，侈陈盛美事迹，附会年月，失考文笔，榛芜点凝，前贤名氏曰觥、岳、者吾儿世祖、周、狄、者又吾儿世祖，其遂信耶曹嵩、原本夏侯郭崇，韬强附汾阳，智不愿为也。今世士大夫多立谱，即山陬僻壤而谱亦

雷氏宗譜

卷首下 原叙

五

講易堂

不能无所由讲求敦睦也哉。先世载七公自江左同安新治之大

雷播迁楚北，爰咸之幽，能风土纯朴，遂於坳头，硃红山下家焉。一线

相延至 勳堂公生子二长 咸中公世居坳头次 希圣公则又

慕淦城北郊相距十里之谷口土地平旷左右重湖中兼山林之胜

遂迁於兹焉。历世迭经盛衰，绪以引而愈长。于乾隆甲辰岁，应宗人

之约立宗祠於坳头。至丙午而告竣，癸丑岁检修谱牒，复於嘉庆乙

丑岁刊刻成卷。因念吾先世自同安大雷迁居於楚，后人当因流以

溯源，庶千百世如萃一堂，不失先圣贤敦睦之至意。且考诸前汉书

淮南衡山王傳云載郎中雷被而黃帝娶於西陵氏之子日雷相實
生青陽則雷氏已賜姓矣為人孫子虽不敢妄為牽引豈不當遙々
千百代而条分缕晰哉今虽吳楚路遙暫將支譜而附諸梨棗知吾
同安大雷他日必有泛華陽之舟能追及之者以俟后之補合焉載
七公直下白坳头迁十都谷口裔孫胜智薰沐敬撰

古版代作。

雷氏宗譜

卷首下 原叙

六

講易堂

原叙

天地之生人，为贵异其类而分之者，尽人而知之，此不必别者也。同其类而分之者，不尽人而知之，此必别者也。其必别之者，何他族之溷於我族，彼之舍其族而紊我族，我族之不昭其族，我将忘乎祖，而自昧其族，则家乘之修，不亦急乎我。祖自江南宅成，迄今子姓蕃衍，有析居距数十里者，有远贾播迁川陕，距数百里，数千者，亦有非族而比屋接壤者，若者属某，祖之支若者属某分之亲，若者是若者非同者，联异者，属族者如一身脉络，分明异族者如雨形，彼

雷氏宗譜

卷首下 原叙

七

講易堂

此各判各识，各属各率，各率毫无所混，不及今固一族以刊刻谱牒，使归画一。则代远年湮，人心纷乱，不惟本族自忘其祖，邱墓不识，序不明而他族，将借隙而族宗冒姓矣。爰是铭与兄钥等合辑谱籍於嘉庆乙丑，付诸剞劂。虽生歿葬娶无所不载，而其世系之继承承承条分缕晰，一绪不乱，则同族无所歧，异族无由入。虽千百万世之愈远愈盛，子姓多至无算，而按谱籍以考核，若纲在纲，有条不紊，不皆一脉相承而直下也哉。

同治元年

原叙

谱合一族历千百世所宝贵本敢以董成其事自擅哉樗质椎鲁遊樊数载经籍荒芜何堪焜耀牒卷而其本本源源悉归条理灿然可观者皆 启蒙 观省二叔父暨 诸族长等积日累月悉心编就本特因其成本与 觉先宗文监刻耳 启蒙公仁孝悌惻心怀祖宗父母不置而族谱尤所系念於乙丑岁不悻悻刊修急遵宗人屡札促归势几难以旦夕缓及底家同 觉先宗文省视良久将谱事面示授讫送至门外特踵属日自后不必来问惟任所行比反

雷氏宗譜

卷首下 原叙

七

講易堂

寢遽革不起越翼日而卒本独何心敢不恭承肫、之意夫人生瞬息不能长存不毙之身以示来许而后嗣接兴气联脉续率亲率祖仁施所亲义加所尊不致叹於前望茫、者赖苍颡之书得纪世绪於不坠耳我 王考傅霖公肇领祭祀 皇考鼎台公亦念切本源皆有志於斯而未逮兹承 叔父之命即以继祖父之志劓臚告竣展卷之餘穆然见 先代祖若宗之咸载常深忼闻悛见之思而后嗣子若孙之毕登者自 祖宗视之无分亲疏皆有指臂相联之爱此本之厚望於同族与为共勉者夙夜惕虑惟不克善梨枣致仿

叔父之明是慚豈敢以董成自擅哉

二十世裔孫心齋昭本敬書

雷氏宗譜

卷首下 原叙

八

講易堂

續序

且創譜難而續譜亦不易。創之者世遠年湮，必由流以溯源。續之者，旁搜遠紹，當因本以及末。若者為小宗，若者為大宗，若者為某支之親，若者為某祖之后，倘有一毫之差，必致千里之謬。而混宗冒姓，由此而起矣。如我族世居江南，遭宋江之亂，我七公奔楚，楚北駐足於咸之南，十二都坳，頭硃紅山下家焉。業經數載，譜牒失傳，至嘉慶間，諸君子篤生其時，見族大人繁，住居星散，不有譜以紀之，保无類於郭崇韜之妄附汾陽者乎。遂邀同宗先立祠宇，既梓譜牒，歷數年。

雷氏宗譜

卷首下 續序

九

講易堂

而卷始成。其譜式家規祭祭世系罔不尽善。后之人遵而行之，未敢擅為更改。惟我十都以七世祖文通、獻、暹三公為分居之始。祖及譜成之后，越數年，余父尋出賜谷公經部，始知十都分自六世祖希聖公也。甲辰冬，重修譜牒，故不敢以訛傳訛，謹奉六世祖為始祖。后启者，勿以余為多事，抑創始之偶有遺悞，特繼續之云尔。

道光二十五年乙巳仲秋月

谷旦

十九世孫會文沐浴敬撰

續序

一海音况且。

从来祖宗开创於前，实赖子孙继述於后。凡事皆然於谱何独不然。矧族^{shén} 叔祖启蒙公与族伯最初公自嘉庆乙丑岁纂修迄今已四十年。分处之户口愈繁，彼此之错综难纪，藉非举而登诸谱牒，乌能使一线之相延者，以绵绵於弗替乎。所以族 叔惟章公痛念及此，即求伊 兄望荣公鸠集户首照人丁田亩派费，族命冀同族 叔祖适彬公暨族姪炳春续修，冀自揣难胜其任，再三固辞，势不容委。由是思宗族所关甚大，奉命维谨，加意考核，务期世派秩然，昭穆判

雷氏宗譜

卷首下 续序

十

講易堂

然生歿了然，以及坟墓之山向靡不洞然，婚配之姓氏靡不昭然。有系出本支，昔未及付诸梓者，今则尽为剗削，俾同者不至溷於异，有实非宗派，昔不容隸吾版者，今亦莫敢滥收，异者得以强为同，即其中微有所改革，亦无非欲求其事以继先人之志，而述先人之事耳。第虑学浅才疏，未必斟酌之尽善，后有贤能者起而续修，举今之有过当者，从而讨论之，修饬之，是则余之所厚望也。夫是为序。

道光二十五年乙巳仲秋月

谷旦

裔孙雨作谨撰

續序

譜之作何昉乎。自先王之宗法坏而作也。猶有先王之遺意焉。是以君子重夫譜也。譜曷以重。明夫立人之道也。立人之道。仁義而已矣。是故譜所以聯分。知其說者。藹藹然。愛心生也。譜所以統同。知其說者。秩秩然。敬心生也。惟愛則人伦不乖。惟敬則昭穆不紊。仁義之實。孰大於是。仁義尽。則家道正。家道正。則教化行。立人之道。孰大於是。譜之時。義大矣哉。嗟夫。我族之欲修譜也。久矣。自嘉庆丙寅。叔太祖启農公思譜為家之史。家弗有譜。不謂之名。家不得其詳。而妄附

雷氏宗譜

卷首下

續序

一一

講易堂

於名人。華胄不謂之信譜。於是。嗜所不知。从采者不錄。略所冒之先氏者弗錄。遂以。載七公為鼻祖。派列詳明。一氏本支。宛在目中矣。凡我宗人。觸目興思。則知自仁。率親等而上之。今不一之身。其初則一人之身也。自義。率祖等而下之。今不同之人。其初則同氣之人也。愛敬之心。能不油然而生乎。維斯譜也。有觀感之道焉。君子所以重夫譜也。特前人論定。每六十載一大續。三十載一小續。意至美。法至良也。乃迄於今。已四十年矣。而猶靳夫譜牒之修。无恐繼起者。並近世而莫之知矣。噫。后之視今。亦猶今之視昔。安得无遺憾乎。茲幸。叔

祖望榮惟章昆仲以孝弟之心行仁義之舉因聚眾捐資以圖續修而族眾亦踴躍從事奉先之孝錫類之仁不自此推哉康不敏承長者命同 适彬 雨作二公繼前人之志遵照旧規以期歲事是即zhān敬宗敦本之心冀以慰先代之靈而保世滋大也欤

道光二十五年乙巳仲秋月

谷旦

1845年

二十二世孫劭康謹撰

雷氏宗譜

卷首下 續序

一一一

講易堂

載七公傳

公生於江南安慶府望江县雷港驛，遷居於咸粵稽黃帝時有雷公利濟炮制贊化育之一端也。功加於時，德垂后裔。自秦汉以來有若晉之煥唐之万春宋之秘書省德让有邻父子皆显著於世。迨支分派衍世居望江之地，驛以港名，港以姓著，較之鄧邠之王、荊陽之郑尤赫赫稱望族焉。乃先德食报钟奇於公，使椒蕃异地与港驛两盛相埒。時值宋徽宗之末年，宋江寇乱淮南火城刀山，江南无净土。公遂挺而走險，於咸卜宅，駐足十二都坳头，经营绸繆安堵而居。一

雷氏宗譜

卷首下 載七公傳

一三

雷氏易堂

庭之内，位育自如。迨其后生，生日盛，人文蔚起，遂成咸一巨族。余属裔甥，乃其所自出也。因省舅氏叙及世德，贅数语以当秦康渭阳意焉。

贊曰

派自古初源远，姓於港驛而大安土敦。处可优优甯必高，飞羽翔。奈气数旋环，难必常泰。幸明智保身，灼见如蔡。四郊多垒，笑螳螂怒臂以当车。万马流氛，效智士潜踪而远害。颠沛流离以走险，乃知鍾洋之有在。天津卫粮儲道升总漕部世院甥士珍，惕顿首拜撰。

文簡公傳

一方之山川气运发育先於一人诞钟灵奇而其后生生不已遂遍其地而族聚焉且流行屢析亦成村会之盛 文簡雷公讳继敏卓立蹶起俊伟不群殷富甲他族尽一境之土属焉虽非族者间有一二杂处而地以人傳群称坳头三甲雷某室刘暨殷和集致祥庆衍螽斯子七虽长与三与七俱止而五后迁牛头岭六迁石灰坳黄泥宕暨通山五都至宅处砾红山麓者尽属二与四之裔胃门第甲乙罗布若市子孙难以千数计芸芸者繁而盛也 公阡称猛虎跳涧

雷氏宗譜

卷首下

文簡公傳

一四

講易堂

形其山分屬玉二玉四二公裔焉迄今古木苍々地势雄胜余相堪與窈欢人杰地灵两相湊合遂至发祥无暨 公后之盛由 公之兴亦由 公之宅兆吉也

翰林院检讨年家眷晚生胡鑑顿首追題

洞堂公傳

公讳有莘洞堂其字也至今三百餘年矣余未挾覩 公之行

事而有以知 公於一二也 公性仁慈好善杳难知也 见白沙

寺僧作 公二子斋荐之痛念词缕缕述 公於其寺上佛灯三年

者一而再矣捐田助资斋僧者屢矣夫 公於一寺如僧家之言种

善果者如此殷且勤他可知矣近里吴家桥将倾众为改造内有隐

石刊 公名捐修夫桥需数百金非一人所成而独存 公名於中

则乐於为善信而有据矣而要非刊石无以知公之捐修非顛折又

雷氏宗譜

卷首下

洞堂公傳

一四

講易堂

无以知其中之刊石於以欢年远而芳躅多湮也雷氏 玉 玉

四二公之后分四支其祖俱以堂名而四堂惟 公祠更繁衍余未

知 之行事忆 公必能积德也及见僧訓与刊石而知 公之行

事益信 公之积德不虚盖即一二事而生平可概见至既富方谷

公之好施如此皆傳 公之富甲一时愈信矣

后学举人张廷基追撰

淵堂公傳

公諱有錫字淵堂中怀严翼淵寒淳涵雅量併包名与实称焉承先
绪充斥慨念妙散窍性金丹换骨惟寢食於石渠天禄深也因励志
进修擷芳六藉漱润百家得列名弟子员为士林翘楚乃麀战闹場
蹶而不第遂以经籍傳來许雅善箕裘其子孟春公諱绪魁业守謙
細承口讲指画 追隨间窺西山之精奥濬慧珠之灵明吞
梦几不可以寻常尺寸限食饒天家易足酬范毡董帷之愿然一
家作述天骨俊彩亭亭伦表庭有三香家无俗韻桥梓齐名当世矣

雷氏宗譜

卷首下

淵堂公傳

一五

講易堂

莫不耳而目之而坳头坳氏人文渐兴皆自 二公发其凡也

吉安府永新县知县北京南城兵马司

年家眷晚生王维受拜撰

巖泉公傳

天之生才往往萃於一家上而累代公卿宰輔賢、相繼固振耀人寰即下而士儒之詩書弓冶人文炳蔚亦罔非秀氣之特隆余与永清雷文輩世屬契誼溯其先系至 岩泉公父子祖孫歿、然伟矣 公讳齐岫以詞翰贡举 公 父清溪公高尚士也居硃紅山麓溪流清漪因以字焉公子静菴讳治修贡士至 公之孙六人皆静庵公子长宏宇讳平博廩膳生次肃宇讳平敬三载宇讳平厚俱贡士四成宇讳平久庠士五文字讳平岐 膳生惟季载吾讳平继

雷氏宗譜

卷首下 岩泉公傳

一六

雷氏宗譜

独未有闻岂其薄青紫於不事欤闻当时顾乡宦欲強葬 公之祖

屋后山又欲葬其 祖墓山 宏宇公昆仲与抗批鳞折角願为理

屈莫能佔其山但葬一於清溪桥后山旁覆碗为界迄今墓存而

山则属 公裔之土封植砍伐願莫敢少覬不可见其文章激昂非

势焰威权所惧挠耶然 公之 家擅扶輿清淑之气作述济美翰

墨流香议者往、方之燕山一老五桂齐芳亦极庭闈乐事矣甯以

未膺簪笏少耶孔子曰周有八士亦以称盛也

中式举人候选县正堂后学伍柱拜撰

楼峰公迁居序

卧归东山堂开绿野古人之慕隐就间每寻曲径幽香桃花流水以
为怡情适志所此李愿盘谷韩昌黎欲徜徉终世也 庠士楼峰雷
君讳治岭学问渊涵辞藻赡丽不欲显闻当世而有遁迹山林之思
见祖居虽属陵阜之麓而生齿稠密不无扰攘杂踏更寻一境日沿
市隄者居焉其室面界崇邑而巨障隔绝背负高山左右湾环出隄
口里许才有人家四面青翠幽植一带溪流潺湲、隄随曲出真幽人
境也君於兹盘遊玩赏饮酒赋诗快然以终其身子孙桑麻则赖於

雷氏宗譜

卷首下

楼峰公迁居序

一七

講易堂

今百餘年矣其间数烟户聚处一门怡然自足若桃源与外人相问
隔焉昔东坡称季常遁光黄不复见其游东山精悍之色余亦闻
君尝夜於隄口拳格虎毙精壮亦离伦而孰类矣乃不以文武材技
自逞但仿考盘遗意求幽居以自适此亦非无所得而能然也殆古
方山子之流亚与第地属僻谷而以市名曷故或日山麓之溪岸有
石巖、如市之错列然故名焉是说也余未之信

安陆府天门县训导世甥通邑方起秀顿首拜撰

正衡公傳

才學無當於遠遜不足以凌云奪鶴出人頭地無怪以一矜者也至
玉可篆筮材堪充棟而乃不見取於宗工哲匠致與瓦砾榛梗同遺
焉良可慨矣公諱平望字正衡聰明出類書一過而不忘穎悟異常
文拘思而輒就猶復瘁志雪案耐處烟帷羅經史於胸中斂珠玑於
筆底當其坦腹周庭其 丈人中進士常以大器目之謂此子沧溟
潛浴既成鱗甲之三千異日云首展飛何難搏扶搖於九万正非
僅傳老夫衣鉢已也乃迁居於老屋上首新第初構即與弟星池公

雷氏宗譜

卷首下 正衡公傳

一八

雷氏宗譜

同入贊宮花萼並輝惊荆枝之双艳闹場屢战祈驥足之联騰何意
数奇运蹇虚望月於江城致使芒斂光韬沦遺珠於沧海能不令季
子裘敝卡氏野泣而灰豪杰志士之心哉茲当刊修譜牒其裔孙为
政先生述而请叙为之贅语简端亦以见山林藪澤中恒有高才见
屈鬱鬱不得志如刘賈其人者为之表著焉尔

举人后学杨大灿拜撰

斗极公傳讚

公讳平枢字斗极性刚直寡色笑学富文丽以数奇而不得志於时居家整肃於内外大小之间衣履不端弗敢见焉造其门不闻喧哗之声一室之内飭如也易家人风自火出君子以言有物而行有恒若公者令人望庐而式足备贤良方正逸矣乃当兵寇扰攘族众苦军需推公为里长溯迹胥徒不免凤栖枳棘与然凛庶人急公之义料理丁粮使乡居安堵不至旦暮吏扰群仰为一方保障焉凡有争攘以言劝释无不悦服於临终易箦时正衾危坐语言不苟犹

雷氏宗譜

卷首下

斗极公傳贊

一九

講易堂

以安靖地方甯人息事为念

贊曰

端已正室藩屏一乡风范卓卓品重琅玕与古为徒今来易方

嘉庆元年岁次丙辰三月

谷旦

后学邑庠士王正迥顿首拜撰

輝生公傳

剛烈之士慷慨激昂不肯曲促。下气骨甚劲也。公讳袞，字輝生。堅剛屈铁，豪迈横秋。时际家道中颓，冒危履险。与刘友远，贾四川，不郁郁以牖下老及货利倍获盈餘。效管鲍义分金，辄为多。与中年归桑梓，见叔斗极公病危，切切以门户为忧。公昂然直为已任，经理差税身屏一乡，使无吏扰之苦。友爱於弟分财，与废败辄为赈给。直与古藤包相提论生平言信行果，有为必成。不少退避，委靡劲风百折不回矣。歿葬眠犬形山友福地也。滕公石室沈彬漆灯佳城，与公

雷氏宗譜

卷首下 輝生公傳

二〇

講易堂

隱隱兩相待焉

贊曰

轻財厚弟兮，爱心切分金多。与兮友情悦家道中，落手披巫顶之云。
 客子远游兮，足蹈峨眉之雪。理粮训兮表高洁，辨义利兮励气节。豪情
 迈兮歌当泣地发祥兮，泽不灭渺。予怀兮伤离别，离别伤兮肝肠
 裂。肝肠兮思慕人中之杰，义气之烈。

四川提刑按察使年家眷弟唐震敬贈

步云公傳

公讳起琬，试名春步云，其字也。胸罗百代，风骨峻峭，藏书满室，富称邨架。其堂联云：气象不随尧舜老，文章犹胜汉唐新。不屑屑作六朝卑靡语也。以明经贡举，任江西吉安府训导。敦诗说礼，允为多士楷模。

上闻嘉其勤能，准拟升授知州县事，以病老解组。途遇雪，米家骨肉，悲泪口吟一绝以慰曰：老病摧残带雪归，朝闻夕死有何疑。魂总在乾坤内，骨月何须叹别离。遂怡然而终。慨想月夕花前，分韻把盞。

雷氏宗譜

卷首下 步云公傳

講易堂

几经款洽，厚挹芳徽。次子珍錫，谬为钟爱，常以远到相期，今宦荣幸，无负於公。明余室病危，以姊弟情切，奔榻省视，渡溪几至殞命，及抵岸，犹吟咏不绝。极才人雅致，而非徒爱切燎须也。因赘数语以誌焉。

蕪州教諭升四川成都知县愚姊文王维昌拜撰

少嶽公傳

公諱華琬，試名譽少岳，其字也。余高祖邑廩生春曉，公著有金細文集行世。高叔祖邑廩生景从，公萬曆癸卯科中式貢士，历官总督漕院。大寰公系公之甥，俱得力于公。公獎掖居多，至公之生平品行端正，卓有先儒風制，藝博極群，書蒼萃而成一家言。緣卮于科第，以明經貢舉，与兄步云、公棣、尊、齊、輝、伯仲，倡和或杯酒聚飲，或适兴联吟，雍睦极文，人雅致嘖嘖，称难兄难弟焉。子廩膳生諱天星，字魁引，屢试冠軍，与公齐名，时人呼为大小苏，益欢。公之渊源有自。

雷氏宗譜

卷首下 少岳公傳

講易堂

茲值譜牒告竣，余特略举一二付之剞劂，以不忘云。

乾隆乙卯科多试中式貢士 逸州右堂柳川王肇成拜撰

任公公傳

公讳天重字任公。温厚和平，休休有容。与世无争，与物无忤。乡间称为有道仁人也。境际丰裕，好施结功德。愿於白沙寺上长明灯，凡造桥梁平易道路，皆欣然解囊，以助周恤。亲戚贫乏，衣食抚养如一家。人更为资助，构造使不蔽，得安居，悒悒内也。生平视货财无足轻重，欠贷莫偿，即置不问。产业与人耕种，若乌有不其检求生一子。讳鸣闻，字傳万，毕生爱诵读，究心芸篇，囊括青简，时人目以百癖而足。不出户庭，口不轻言家计，其亦有隐君子德与。迄今转眼间，裔嗣林

雷氏宗譜

卷首下 任公公傳

一三三

雷氏宗譜

盛子姓数十口，皆卓立，倜傥无拙懦者。蠶桑椒蕃，足徵积善，餘庆之不爽，而使为善者无怠心也。

贊曰

有君子德 有忠厚风 惠周所及 憾補蒼穹 不滯混沌
 包育在中 生生日盛 乃见报功

安徽直隸分州蒲召后学草应苏拜撰

調公公傳

兄弟者分形联气之人也惟篤厚者相友爱子孙因忿 好不忘旧

德焉 公讳天荏字调公形质修昂立品端方念同胞篤天显致敬

於 伯兄尚公公若温公於伯康者然而伯兄尚公公讳天闲天性

仁厚咸得里党欢心亦於 公而念鞠子哀也闻 先君辉生公阡

葬地师谓地可发祥但 主长子乏嗣 尚公公曰但得地吉吾弟当

兴吾即无后何憾焉后葬而 伯兄果无出 公奉养之至终老焉

尚公公之歿以正月初旬也及隔十餘日 公谓家曰吾兄在后山

雷氏宗譜

卷首下 调公公傳

二四

講易堂

俟我去吾不留也即沐浴更衣端坐而逝其叶堦篋乐雁行於地下

耶也今 公祠祭祀不忘 公亦不忘 尚公公皆 公与 尚公

公之友爱所留遗於勿衰也更闻 公与伯兄性嗜茶两腋生风有

盧仝七碗之乐焉

襄陽府教諭后学崇邑王鎮新拜撰

亮公公傳

古人高世之才建非常之功其度量自涵蓋一切即成於一家一乡者亦莫不然 公讳天晓字亮公幼事诗书列儒林长持家布置务归条理虽甚急遽不少忙乱事亲温恭有戏彩娱老之爱周旋膝下甚欢心辦理粮税酬应差役委蛇於公庭之间行若无事 邑侯曾嘉其贤能和乡党息纷争婉转化导虽有恶言触犯若无闻所以事之质於 公者鲜不解释焉汪、千顷澄不清而扬不浊黄宪之见重於周举也才殊不如当以度量相友山涛之得契稽阮也吾於

雷氏宗譜

卷首下 亮公公傳

二五

講易堂

公之雅度景仰不置焉

庠生后学王正迥敬撰

寅公公傳

儒者讀古人書不克聳身云衢染柳汁奪錦標稱平生愿因隱而匡
居塾廬造進多士乃乐育无疆焉 公讳天肃字寅公瘁志三餘博
洽群書为文坛健將乃以青云路蹇見 兄亮公公教授过慈曰師
道威而不猛敷教寬而貴严何可一於慈柔肩諸生玩忽遂代以威
尊及門輩志懾神服不用夏楚而敬业時敏大异曩時規习由是教
思丕振來學日繁几於墻舍莫容受其肩迪者彬彬焉类多有成遇
升日生徒抗拂几百人為諫文者數十輩洒泪悲泣惓怀不忘其壻

雷氏宗譜

卷首下

寅公公傳

二六

講易堂

庠士徐重周自少从學厚藉琢成焉

配劉孺人有淑德紡績經綉

不圖片時暇故

公專儒業无家累内助賢也今其孫应中昭堂兄

敏而好學以英年振鐸与余叙世德而及

公因知其淵源有自祖

風历久弗替也

以進士候選訓導后學余晉拜撰

霞山公傳

霞山雷先生沛鳴，宙号靜齋，聰明穎悟，幼時出語即驚人，為文敏甚，視聯捷在指顧之間，乃髫齡遊泮，屢荐不第，才而見屈，耶然豪邁，卓牽不以是而少短，其館教流寓不一處，慨慧多人矣。日與諸名宿接談，籌成文章滿座，輒為斂容，以此咸及鄰邑，耳名者群仰慕，其為人性好布，與嘗於白沙寺施田數百，捐資上佛燈三年，又與族姪傅霖先生領祖玉二公之支肇修祭祀，比離萃渙於展墓之間，由是后之合族敦睦，建祠刊譜次第，舉焉余妹。先生之長媳早寡而能抚

雷氏宗譜

卷首下 霞山公傳

二七

講易堂

孤保世以節孝自全，余晤先生沐教深矣。其孫會泰字甯海，從學於余，亦綽有祖風焉。

安陸府天門縣訓導眷姻晚生晴峰劉翼漢拜撰

節母劉孺人傳

雷母劉氏余族長平秩公親姑母亦余姑母也其翁霞山公庠士夫
沛勝疇字超倫性敏能文以英年授教值暑月染病術士占其命促
可有后翁便急為婚焉我儀我特 姑已具柏舟操矣及生子歲餘
而夫果歿年方二十有二慨持詩書門第抚教孤兒奉養舅姑致敬
尽礼終其身如一日族姻公贈匾額以表其潛德幽光殊不謬也享
六十七歲而終今其子甯海年七十有四尚康孫四曾孫八均能保
世大節之振良然追封其有待也余叨捷南宮歸謁伯祖祠平秩公

雷氏宗譜

卷首下

節母劉孺人傳

一八

講易堂

述而請傳余曰姑母心肝冰雪節操金石固能植真義正綱常而保
一脉以大先緒節而能孝也我劉氏亦有榮施焉

贊曰

天地有正氣古今多節義青 毓芝草 雞 館 傳 金 石 亭 亭 松 与 柏 岁
寒耐終始玉壺冰朗朗照澈幽人耳馨香榮譜牒千載耀青史

恩賜辛酉科進士實授翰林院檢討愚姪劉應安拜撰

南陸公傳讚

公諱鳴奇南陸其字也生鮮兄弟賦性純厚言談举止恬淡溫和幼
与小兒群集 才士吳公見而異之即以女字焉靈秀会合子姓遂
以发祥而 公之姿儀俊美璧玉朗潤每应试立稠众之中诸生莫
不见而惊骇髫年游泮列名国子监翹翹艺林英也富甲间党奴仆
三十餘口列庄而居尺庄泣慈畜之道焉性好施与无慳吝每於腊
月初旬亲行乡邻贫乏之家问其监米有无辄周济不籍记索偿故
吉凶事群为踊跃效力 公之名达数郡矣而抑然自下若不胜衣

雷氏宗譜

卷首下

南陸公傳贊

二九

講易堂

言訥、焉如不出诸口慮省试路遙於塘角余姓门首买田数十亩
以为子孙歇足之所诗书启后殷殷属望之意也

贊曰

子立独莪学养精粹遊泮沼而驥足少停乐辟雍而鸾刀旋试好礼
泯骄吝之私周贫切饥溺之志以予情信芳测人心思媚德无不該
福自骈至

岳州临湘县教諭升选知县姻世弟王晋錫拜撰

舜臣公傳

公諱胜元字舜臣性仁厚事亲色养終隨之奉力所能为罔不求给而和愉承欢若赤子之於慈父母依依不舍有至性至情之爱焉家不甚饶於境内之孤贫惻然怜悯时暹空乏辄量给之无吝惜之情以故歿之日亲朋致奠感其惠爱莫不潸然出涕望岷山而叩身后之思羊叔子之湛恩沃矣生平善言论随在布理陈辞从容反复悉中窾会姻礼数遇吉凶事揖让周旋曾无失色於人以此虽粗鄙者类多悦焉又彬々然有折俎之风

雷氏宗譜

卷首下

舜臣公傳

三〇

講易堂

贊曰

天和藹藹雅致高超为风之惠为仪之标漱其芳润鄙吝俱消彼君子兮能无望风怀想而景其德音之昭昭

庠生后学吴大声拜撰

傅霖公傳

公諱勝璧，傅霖其字也。光明俊偉，隨在出人頭地。所謂乔耸鶴立，處而穎出者也。年十六，見余祖解訟於鄉，累日不決，從旁參一言而即釋。余祖大奇之，曰：「今而后，鄉事有子，無煩我矣。」弱冠，應縣試，錄名第二。文群欣羨，視取青紫，笑反掌。爾乃尊大人見有克家才，大小事盡委決。出外必偕，送請者不俱，即不去。蓋以公為肖子，最寵愛。公度讀理家事業，數萬金，毫无私積。諸弟俊敏，能文，莫不命而唯從。首邀族眾立祭，置墓田族叔。霞山公書一木牌置。祖堂以龍文。

雷氏宗譜

卷首下 傅霖公傳

三一

講易堂

姪稱之，迂構新居，規模極宏敞。方落成，日即病，噎不起，年方三十有四也。父老咸歎曰：「吾鄉緣薄，使偉人遽亡也。沒假公以壽雷氏事。」業人文，當必更有可觀者。其配余祖庠生平章公女也。幼听小兒談書，即記而通曉。自公歿，手持家計，以讀書訓子，成名終日，正容端坐，莫不見而悚。衆人言：「棕樹坳路狹，泥泞難行，即捐資命工砌石，修理其義方垂訓，類如斯。年六十二，壽而終。才德洵公配也。」

愚內侄孫庠生願承階，頓首拜撰。

作梅公傳

公性度寬大行己端方有时或云山寄傲或诗酒怡情潇洒磊落之
概大率类此其在乡党息争解讼剖断是非两无不服谈经傳得古
人深处其作事也谨慎之中济以果毅焉公后群弟而没临终日丁
甯一家不可胜数要不外忠厚勤俭四字云

贊曰

名登国学博达古今摘其要領探厥渊源德望尊隆何殊泰山北斗
涵养纯粹宛同良玉精金

雷氏宗譜

卷首下 作梅公傳

講易堂

任天门县训导内弟刘翼汉顿首拜撰

刘孺人傳

妹名孟琼适雷太学生作梅公幼循姆训终身服膺弗失未归时即知其能敬且和以执妇道及长有家朝夕奉养翁姑罔得欢心 妹丈才德出众相敬如宾一家同爨多年妯娌雍睦无点隙吾叔孺年暮时时走价问安迨廿旨靡暇拔冗归甯定省不疏居饶裕之境自奉以约牧客则丰夫名子贵问荣话麻夙夜匪懈待奴婢以婉言愉已不失尊严之度吾解组归妹贤声啧啧人口余年七十有餘而妹年亦七十餘其庄敬懿美终无愧於閩范姆仪焉

雷氏宗譜

卷首下

刘孺人傳

三三三

講易堂

贊曰

兰蕙为质兮占家庆而映藜光柔巽成性兮法坤顺而耀易堂洵女宗之堪敬亦女箴之可扬

兄刘翼汉敬贈

百揆公讚有序

公讳胜才字百揆年方廿餘即入泮宮文如生有奇气不落恒蹊其
行已也不刚不柔其待人也。不亢不卑亦风流亦严谨。

泮林抡秀出水芙蓉挥秃速三千之奇任其潇洒吞云梦八九之胜
盈其襟胸举止符柔嘉之则動靜呈大雅之容吐詞为经得亲炙奚

须南楼羨李邑

蕪水县训导蒲邑后学章应苏敬撰

雷氏宗譜

卷首下 百揆公贊

三四

講易堂

欽若公贊

有序

欽若雷公諱勝敬年三十有餘猶肄業於 馮若虛先生信其師說
作文不肯有一字之苟严气正性望之俨然使人不敢犯焉不正之
声非礼之色俱从屏斥而惟好善乐施且日与良友谈道德论文章
焉

貌古心古学古文古翰墨馨香飄芸圃才华炳蔚拟绣虎嫉邪乐善
祇行直道之公会友辅仁特辟丽泽之府仪不忒兮众共覩事思敬
兮谁敢侮淮敢侮咸服周旋中规折旋中矩

雷氏宗譜

卷首下

欽若公贊

三四

雷氏宗譜

现任夔府东乡县知县陈宗谦拜撰

萬和公傳

公賦性聰敏又好詩書文無滯机筆翰如流縣府試輒冠其曹邑中
名士群相推重而院試卒不一遇公之命也 公兄欽若公早逝其
子女俱幼公代理其家事甫二載而白首為其子女婚娶築室置產
凡六年視飲若公生前而家道有進无半点瑕疵是可想見 公之
為人矣且 公以不得志於時而其引導子姪者一以經書庭訓不
苟且重道延師西賓三易焉詩曰教海爾子式谷似之公蓋屬望之
殷殷以至於没余与 公之孫大容兄同息相善 公之家君启蒙

雷氏宗譜

卷首下 万和公傳

三五

講易堂

牛生因屬余作傳余不敏謹摭其生平如此

甲子科舉人侯逸县止堂年家眷晚生程昌祺頓首拜撰

顧孺人傳

孺人者明宦顧廉宪之苗裔也产自名门故克嫻閩教而母仪宿著焉其夫子万和公抱凌云之志未遂愿而早世子四人皆有英异之姿孺人以母道兼父道谓缣紉是吾家旧业舍是别无他图因命诸子负管犹师以继前人志无隋厥家声至之迁之教就长子启荣入泮宫幼子华名列太学次子相三子观皆能於经傳子史吸其精窺其奥磨砺以底子有成猗欤休哉棠棣竞秀檠篔叶吹彬乎难兄难弟皆孺人玉成之力所致也家道丰饶犹纺绩织紉以为衣食

雷氏宗譜

卷首下 顧孺人傳

三六

玉清易堂

不敢盈餘而轻耗平物力至亲邻匱乏周恤一无所吝宴宾丰治庖厨仆婢使任虽甚拂意祇以善言道之语碎之语不发于声忿戾之气不形于色其端静一室无苟言无笑凡懿行令范莫不奉以为克克者总之不离内则之训近是

贊曰

治内兼以治外成子教之成人富而能俭贵

而能勤○
純庄而有仪○
性惠而不驕○
是皆德之厚○
而人所难伦○
得不击○
节称贊以誌乎懿行之幽间而静贞

嘉庆元年岁次丙辰三月谷旦

邑庠生眷晚吴功升拜撰

应魁公傳

生质之美率性而行虽未读书明理效古人所为而其敦俭朴实足以风世有非文人学士所易及公讳胜鳌字应魁兄弟五人家先贫自公能勤俭积累丰饶昆弟有室皆赖以成男妇至五十餘口尚同爨时公年八十餘矣家业几万金而戒奢甘淡如素每黎明即起唤其家各任职业而家亦如其勤俭大小悉遵训夫苦节之贞儿令难从而莫不听教者岂非以身先之有德以感之者乎其生平不刻於人买产业不短债不吝与借貸不取厚息尝与余言曰我嘱家

雷氏宗譜

卷首下 应魁公傳

三七

講易堂

人若我死无厚殮昔吾父母未尝厚殮也且人生不易吾贫时吾弟尝忍饿而存钱今常在念也本思所言何朴而挚也因叹其节俭固可训世而视弟子如己子且年迈不贪颐养贫富殊境而操守不易俱人所难者信乎俭为德基无怪其能成家也因敬傳之

族姪孙昭本謹撰

序观公傳

圭璋之奇蘊於太璞。芝兰之美藏於深山。士君子暗修潛行。砥礪於家。不求人知。人亦鮮知之者。其亦犹是璞玉芝兰之自全其真。自怀其芳於岩穴幽谷中耶。序观雷先生沛群。余未接焉。自余妹为先生媿。而有以知先生。先生有子六。皆勤耿敦朴。雅好诗书。尤为族党所钦仰。诸孙遵训乐业。庭有礼让之风。猗欤休哉。非先澤之留遺未易得此。先生性朴。诚好读书。至弱冠始事耕种。日勤农业。夜则静处一室。披吟不倦。经籍子史多通晓。有负来横经之雅焉。而

雷氏宗譜

卷首下

序观公傳

三八

講易堂

韬光敛迹。人罕知之。静默寡言。言鲜背。慎重而行。行少差。失盖学行並懋者也。卒年七十有五。

荆州府枝江县训导眷姻晚生通山叶楨开拜撰

以甯公傳

公兄弟类正常而 公其白看也 先代人文云蒸霞蔚经兵燹剥
落公父志恢先绪义方垂训延所结友不吝物力使 公究心芸编
公亦奋志读书学问贍优遭时蹇滞人惜之比之江东罗隐居家教
授因材施教善训若春风时雨遊其门者往往自父而子而孙三代俱被
乐育以故卒之日莫不闻而歎息泣下 公生平品行方正间事置
若罔闻惟专心教学以此人皆爱慕输诚且自 祖至 公资帛丰
饶境常顺焉享年六十有五以无疾终

雷氏宗譜

卷首下 以甯公傳

三九

講易堂

郡庠生眷弟刘大举拜撰

任展公行畧

公讳胜万字任展勤俭孝友素著而忠厚浑噩有太古遗风承先人业田仅亩餘甘作苦垦菰山林啜粥食淡积累遂至饶餘二弟分居远迁 公守旧宅一人膳养双亲恪供子职尽老莱欢虽甚贫时若不知为艰难者父母以遇龄终 公涕泣衔哀慎於营葬荐醢数日尽孺慕於无已而又念手足之爱睽违怀思殷殷於鱼书雁札虽有负累坦然不以介怀或值偶归聚首言欢勤、欵、临去必厚馈遗乐意融、蕩然天性流露也生平刻苦於己而不薄人教子孙以善

雷氏宗譜

卷首下

任展公行畧

四〇

玉清易堂

循循礼法处世绝无浮伪虚诈虽有凌犯甘唾受惟以理渝不与争攘皆率乎天而不假以人也迄今寿儿八旬而康强逢吉有子克家公惟饮杯酒以自适盖起於勤俭笃於孝友成於忠厚可信其后之必昌矣

姻晚王世任拜贈

相玉公傳

公諱会鏗字相玉出謀發慮才智殊有父风失怙时年方十有三岁
役志芸总抽思拘藻清和透脱翩翩然文林命帜技也自诸叔父分
居克建保家良规精理繁冗相机宜妙裁制不受外侮欺凌承事
霜帙婉转博堂上欢无纤毫违戾谐善二弟鼎台公以儒成名子
明公经理产业晨夕团聚和乐且孺尽友爱於壘篋间也 叔万和
公临终託以家事秉赤心代理勤、尽善使其子 启蒙公等得以
学成名立时念 公劳不置 公之智略敢於作为而克勤小物奖

雷氏宗譜

卷首下 相玉公傳

四一

講易堂

勵子姪輩多方鼓舞不懈洞周世情往来间以为取人皆乐而不厌
想其愷易和平犹见张绪当年也

贊曰

克家肖子強幹为先昌保世之謀宏开后后受託孤之寄妥慰前賢
英气勃勃智囊仍仍凶圆柔软不胜事对茲应赧然

乾隆乙卯科举人候选县姻眷晚生张克猷拜撰

鼎台公暨李太君行述

先考邑痒士鼎台公傅霖 公之次子也 先妣李太君 庠士李

次刘公孙女 儒士李斯篆公女也本九岁失怙先考亦早孤故不

及见 先考之事 王考者至事 王母顾太君爱敬形诸辞色虫

太君敬钟爱而夏扇帷冬温被诸节克克常若不及 相玉公 考

兄子明公弟也坐行谈笑聚处怡怡未尝见其言色偶触戾也教於

家威严素蓄诸生见而自慑病语本曰吾儿不读恐不及教矣尔时

不之其言之酸心今追忆以存一二於恍惚之间本叔思让公曰

雷氏宗譜

卷首下

鼎台公暨李太君行述 四二

講易堂

刘治安先生屢歎汝父苦志膏灯谓彼甚怜之见其惊睡又憎之刘

绳轩宗谱先生曰余童时与汝翁同学一堂群严惮之如师偶非为

正言规劝皆赧顾畏莫敢覲叔禹建公戒伐门前桑曰吾兄之德不

能忘此所手植其甘棠也语及衣服则曰汝父不高华采谓君子非

黄口不御也鞋必方谓头象天足象地也其他任时新样下 易盖

端方性成不为习俗移者类斯焉此皆 先考堪训我后人本习闻

於诸长者然也 先妣训本曰汝父於余之事姑也自晨省安至退

寝余惴、 惧犹勉必戒其平素行坐率常而尊严尝自馆归眼角

流血犹不辍读今楼藏书数百卷乃病危时属以遗后不幸未及教
汝曹成立余能代终其事余之愿也汝勉诸本思先妣勤蚕纺甘淡
薄恒恐无以成余曹学业一财之得不义者麾以粪土一行之常不
矩者诘自问心时违训督责愁烦至今有不堪迴想者其生平刻己
恕人也室难急赴乞物无吝本等有争攘但责子过而不言人非祭
尽诚於 翁姑吾 父忌日生辰悼念致敬凡遇新必亲采亲奠
舅父尝言曰吾姊孝顺勤谨自女时已然昔事吾祖病三年旦夕不
懈祖嘉之曰异日适雷氏可无忧今果能执妇道尽母仪如此也本

雷氏宗譜

卷首下

鼎台公暨李太君行述 四三

一齋易堂

因记之嗟嗟本读先考遗书味其圈点议论恍见其与圣贤相接契
文成卷轴多经名宿先师鉴评未能剽窃庸末致析薪莫克负荷遂
成鞮落悲夫今监修族谱欲述 先行而未能夜梦痛哭先考祖世
而 先妣端坐房炉侧慈严如生思欲本之道其实与因据所见闻
撮次简端识而不忘至鄙陋无文行不成名不立本负先人意不克
光荣之者不孝之罪赧与惧并能免怨恫於九原耶

男昭本沐手谨識

鼎台公赞

从容礼法孝友提躬云中白鹤飞入黉官彩笔挥来赛岭酿秀之巧
新词吐出夺玉蕊流英之工借佳淑兮内有助遗典籍兮泽无穷主
敬图厥事存诚宅乃衷文章与气节长留古人风。

愚妹丈王鲁源拜撰

雷氏宗譜

卷首下

鼎台公赞

四四

講易堂

思让公傳

公讳会，字思让，庠生。百揆。公长子也。叔万和。公見其气

矜好勇，故以思让字之。而公性鲠直，才敏心雄，视庸碌皆不在眼底。恒不规之于绳墨，而力能担荷，幼从师读，莫可羁縻。及受諉於嘉客，余先生才半载，即通顺能文。生平待人无阿谄，亦无刻薄，秉正嫉邪，恶见不善，遇才德文章之辈，即亲敬爱慕，臭味无差池也。居家置用，务敦朴，坚牢无半点冗费，故置产构居，贍谋尽善焉。每立大庭，稠众之中，莫不见形心折，闻言钦服，而辨释大小事，斧斤黻黜，不用芒刃。

雷氏宗譜

卷首下 思让公傳

四五

講易堂

而解善识人，淑慝见而立判，料事成败若烛照，数计后无谗，掌祀产祭费，能弹厌众心，悉归画一，首修祠为一族之冠，毫无瑕疵，历历指数，洵卓然人杰也。虽素率刚直，多落落，不合於侪俗，而溢迤后，凡遇错节盘根，莫不歎公之不可复得矣。

副戎府眷弟余道光顿首拜撰

廷榮公紀畧

公讳会举字廷榮行二尝遊郾陂经世路崎嶇莫能折其磊
落英多之气志甚壮也居家事亲勤奉滌穢持门户率诸弟以礼让
一门之内皆相观而善焉其居近祖祠自与族众建 祠於此诸事
烦扰其家皆殷勤辨理应酬不倦乡党有是非曲直莫能决得公一
言立剖无论亲疏仇爱不涉阿私待族众一视同仁无分彼此尝至
十都会议谱事堕马几毙昇回家半日方苏不以为苦但倦倦求事
之有成其急於敬宗收族之意可知矣后之人执谱牒而思其所由

雷氏宗譜

卷首下

廷榮公紀畧

四六

講易堂

來懋能 忘先生

廩生眷晚生叶茂承頓首拜撰

掄官公紀畧

咸之坳頭雷氏所集處也其風俗敦朴令人見而輒賞意必有人隱持其間眾藉其力效其行以有成及訪其才良若 先生其杰出者也 先生諱會部字掄官 文秩公長子也沉毅果決英風濟美幼從讀於 伯百揆公 叔万和公及 东木刘公三先生皆鍾愛長持家措置有度瀟身節用布衣布履之素克克不苟抚二孤姪如己子为之授室焉成家分异按籍中剖不以勞久覬贏為詞且雅愛人伦整齐風教兄思让公器曰碌々者強作解事子可人而推諉得乎

雷氏宗譜

卷首下 掄官公紀畧

四七

講易堂

凡小大必與偕先生持正不阿虽遇倉卒能酌其當而位置之斥責不善人亦莫怨蓋所處既宜而談吐之輕重疾徐足以折強悍之氣而其視人犹己望其同於善而初无所歸利者众亦心諒之矣故為族之領有約必踐祀先刊譜諸事之經其手者勤於營辦於不平就质而調處之使归无事指不胜屈今年六十有五精占而須看若戰子三孫三有含饴之乐焉洵德而获福矣噫一乡之良棟不一有好父兄為子弟先風俗乃以日趨於上 先生次媳余胞姊也因得見其風俗之美為先生傳、先生而叹風 之有自

眷姻晚生古沙羨庠士章开殿頓首拜撰

永清公行畧

公讳会海字永清其人孝父母友兄弟族党内外俱无间言此因天性之最笃者生平克勤克俭饶有积储田园才错棟宇墜飞先世遗绪式增廓之非所谓光前裕后者乎其处世也慎喜怒言笑不苟往来酬酢悉本真诚而世俗器之习一洗而空里有忿争亦常披纓往解立言无多而纷难即随以释亦可见诚能動物也甲辰岁创立祖祠举公为首士公与思让廷荣公辈合志经营数载内以家事一不之顾后惧族繁心散难以约束商率族首赴县 楊宪請示結刑今

雷氏宗譜

卷首下

永清公行畧

四八

講易堂

虽丁户济、而礼法肃如乙丑秋劄厠譜牒公任不憚其烦尤论分内之考核必详即支分派别者亦必搜览而参订焉是诚大有功於族也古云宗喆宗英者其斯之谓与至公平生德行不可枚述兹但举数事以纪其大概焉云尔

眷弟周廷琮拜撰

禹建公贊

有序

公性聰敏而又豪邁早失怙恃胞叔万和公代理其家事公学
业有成工字画善诗文谈论间往、不离经史其博物为多士之冠
及叔父馆不数年身选辟雍观其意向若未可以毕乃事者其待
弟也善其教子姪也严其处人也恕其立心也直善其性之所之无
有不当

贊曰

不羈之性志切鵬程門內无慚斯为美辟雍选尚非荣开文房而

雷氏宗譜

卷首下 禹建公傳

四九

講易堂

工鵝群右軍繼迹启金匱而覽邱索秘書徐行立品正直魁多士存
心公恕服群英。

太学生愚内弟王正暹拜撰

启蒙公傳

公性甚稚魯未五齡即就學情、然也蓋公 父久困場屋志不得
遂因屬望於子且教有方而甚严 公苦矣而 公不以为苦也以
为不苦则不可以得甘故 公父命理他事輒不释读即遵 父命
他往至晚来仍必熟讀以卒一日之业及 公父捐館 公年十有
八付家事於堂兄相玉公肄业於 冯龙泉拙者凡七年动静起居
无不以书为念日不遑息夜以盪油为度且素多病病时犹手不释
卷迨学成有得行文敏捷连年赴试不就因而牵车服贾而 公母

雷氏宗譜

卷首下 启蒙公傳

五〇

雷氏易堂

有贤德端庄贞一公敬事之如严君焉虽以 公之沉静犹时加劝
戒不少宽假临终囑以明经继承父志未可他图公遂遵母永诀之
命在家更精读二年年三十有六遂应试而入泮由是精理前业好
买书籍积有千卷凡心所欣悦而採录者亦甚伙庚申

恩科宜昌府知县 杨荐批笃实二字诗取四联主司刘不中批少

惊策 公遂於壬戌岁告给年渐衰立有家规家诫二部以警后人

且为人好义轻财为世所负累者约计千餘金戊午年三月家人不

戒遭回祿之火家道日索两子学将有成俱弃而远賈 公在家塾

教读糊口然其立教必先以孝弟忠信礼义廉耻为斤斤授读各称其质务令精熟每旦连前三五授高声明朗背不许含糊朔望通温一年所读不肯一字放过解经传反覆详言字法算数亦详示言其教之善不一而足大要一岁三百六句不使诸生一日放过耳其从核二三载者学虽未成沐其教育亦循循雅饬可异者公数被人欺害而公若无或者以为懦而不知公不屑与之较且不暇较也盖公之所爱者亲戚也族党也良友也道德也文章也此外奚念焉抑又闻之公生而口门有二齿其色黑一月忽落不知其处踰月再

雷氏宗譜

卷首下 启蒙公傳

五一

講易堂

生其色白一月忽再落亦不知其处至满童限而始生齐焉公父以为怪意者其公之三妻一子兆与抑天之恣奇於公与

贊曰

光岳钟毓奇骨非虚若龄逊志博洽群手泮犹在掩卷似歎继父之志帖括石渠服膺遵母训肄业戒荒於学穷西胸富五车爰是以理趣之洋洋驗心源之浩天光云彰入止水而弥鲜月窟天根由灵台而径造几微明澈昭然皓月之当空境地圆通莹尔灵珠之在抱将见心藏锦绣语透丹微拖青夺紫转瞬可期胡以当侯失道

飞将戮奇股庠声蜚稍称吐气棘围阅荐不遇主司绌长材於短馭
溷大受而小知维下董子之帷磨桑氏之砚教育及门海人不倦龟
勉足三餘熟习从百遍经提命於讲席启迪深而妙绪频开受陶铸
於洪炉砂砾尽则光气自见至於疏财重义觉万宝之可轻好善乐
施纳群生於在宥不较横逆之来惟爱金兰之臭增高泰岳细壤切
收广溢支河涓流毕湊尔乃特识宏远卓绝群伦喜缣緡牛充栋陋
华屋贯朽粟陈赤文绣错绿字荐臻如李临淮入汾阳之官旗鼓顿
异若白玉蟾出太乙之室居服翻新则见架兰台藏天录说诗奚事

雷氏宗譜

卷首下 启蒙公傳

五二

玉晴易堂

推匡受书无劳向伏家规昭兹子孙式穀

姻愚兄隱泉王魯源謹撰

恒丰公傳

木本水源之思誰人無之而肇族衆以始事尽心竭力恍若祖先式
凭於資費累百經千而毫無己利者非人孝廉能不足以與此 恒
丰先生諱會盈号隱相齋潛心經史制行雅飭教於家塾子弟多被
化育 与兄思让公总领建 祠庀材鳩工閱數岁始告竣切 先
生之 伯父諱胜字文选公平耿直凡交易一言无改亦不亏负於
人 先生学业皆其所懋懋而玉成者其生平敬理神明至老不倦
尤重 相先祭祀故 先生继之奋不辞劳又与兄启蒙公等纂修

雷氏宗譜

卷首下 恒丰公傳

五三

講易堂

譜牒积久乃成而未刊遺世犹怅然而怀然 先生经理诸事上念
祖先裡祀下冀國族敦睦意致肫摯不憚勤劬凡出入经手无分文
之私尝有用贿入 祠者 先生严拒不受则其皎洁可显暴如众
矣岂非仁孝廉能之足称哉余子 先生婿也余契慕 先生不忘
欣为傳以表著之

姻弟庠士刘翼祀拜撰

命九公贊

有序

公秉性不敏勤於誦讀苦於玩索年近三十而一旦豁然貫通焉其
行己也有臨深履薄之思其奉兄也有怡色婉容之美即在乡党不
笑不訾恂恂焉已耳何其年之不永也命矣乎

贊曰

学期有成得半难止口誦心維笙簧經史一旦貫通豁然澈底乾乾
惕惕兢兢存俨若之思洩、融融謙恭傳友于之美念居乡之恂、
廣君子之允矣

雷氏宗譜

卷首下

命九公贊

五四

講易堂

端愚兄庠生錢世楫謹撰

宗周公傳

財利为流行之物慳吝者自私不以公人惟达士别具卓识超然於
尘埃纒锁之外 太学生雷公讳会镐宗周其字也气骨沉毅以正
大自处见邪柔苟汗之行若薰莸不相合而襟度豁达日引壺觴自
酌来者辄与饮所谓席上客常满杯中酒不乾二语良足相贖夫人
生需財囊空亦羞澀也乃尘视金玉不以货物自利力於修 祠诸
事凡欠贷不偿皆不芥蒂於怀手挥数千金若不知阿堵为何物惟
頽、然日在醉乡中以之自全其真也公其旷达者流耶其配余族

雷氏宗譜

卷首下 宗周公傳

五五

玉清易堂

考年如海公之女也有徽柔懿德孀居抚养三子忿怒不形声色而
教能有成长子已渊贸樊疏財重义有父风而夤次与季皆敦实勤
家悉为 公幸焉意者天道循环父以豪迈散財而子能以敦笃聚

耶

举人烟愚姪王本顿首拜撰

云巖公紀畧

公諱会符字鼓峰号云崖抱幹局之材援例登籍意欲乘时利用观光於国也乃年际弱冠 严尊见背周旋 慈帏之餘不欲以锦衣易爱日诚兼以家计鲜卫荆筹画忧其中落遂阻仕进之心思遣后以安效厖公陇亩愿爱园圃开三径勤俭居室积累渐至丰饶以壶觴怡情日与宾朋相来往林下乐优游焉首修观音桥济险涉艰难使临河无望洋之叹立团约为社祀首与乡父老子弟聚欢棗梓意致殷殷买地葬其 先慈不斤斤於发福止求茔墓之安无自利意

雷氏家譜

卷首下

云崖公紀畧

五六

講易堂

见蚤岁调琴看梭致恭生四子以耕读为本业晨课东皋暮严西塾思深虑远皆其燕翼論謀之善岁戊午遇火灾 祖堂四进皆为灰烬与堂弟华国公建议修造仍述旧规每平居静处一榻偃仰从容自如任息忙纷乱而高眠自适甚得陈先生睡隐华胥乐也

黄安县洲尾眷弟周大年拜贈

华國公傳

公讳冕，字华国。四龄失怙，性敏而多疾，勉强入塾，读古人书，不辞劳苦。常夜篝灯，至旦不倦。后出就外傅，作文渐灵敏。年十四，应县府院试，三篇文成，头牌即出。明顺隽快，诗律调，和方，谓取青紫如拾芥也。嗣因析烟理家务，无暇伏案，遂选辟，亦少酬诗，以债耳。退同居，数十间，忽被回禄，乡里方以为不能复旧，公慨然奋发，倡率肩任其事。不少畏避，鳩工庀材，优待各匠，不惜酒食费，独出己资，故各匠人皆感激勇为，克期告竣，整旧如新也。近处有观音桥，公与古峰公所共。

雷氏宗譜

卷首下 华國公傳

五七

雷氏宗譜

督修也。其齋靜亦然。故工堅料实，久而不坏焉。性爽直豪放，见人有忧，每多悯恻，而视人之乐，若己之乐也。其天真烂漫，有如此者。

贊曰

挑灯夜读，咕啐鸡鸣。学将有得，辟雍题名。挽文屋於笔铉，韩策冉冉。驱海涛於砚滴，江花盈盈。坦白既率，乎性。直遂达诸情，修复同居。绍祖劝成，桥渡同芳声。

庠生同字弟黄源瀚谨识

显恭公傳

書曰沉潜刚克高明柔克惟资稟中和乃不毗於刚柔公讳昭俊显恭字也性灵虑锐文成佳构名宿莫不刮目以屡试沉沦籍名太学聊慰平生愿与素性和易援止则止时悦姻戚情话对奕啣杯盘桓经旬而不返也值稠众聚辨之餘默不轻发或酣饮瞑睡若无知者及论事变成败胸有成竹若江河之下流烛照数计之不差以此众咸倾服身一鸡肋耳弱不胜衣无故加以盛怒能让避而甘於唾面旋徐徐以理斥折直使俯首下心而无辞尝与姊丈至江西寻获逃

雷氏宗譜

卷首下

显恭公傳

五八

講易堂

婢见其夫妇母子之悲泣而遽舍又同差役由崇阳底蒲圻捕获贖贖数人而除之由是崇咸介居遂至安靖其奋勇敢先毅然担负类如此也非刚柔之相济与至遇间居或读儒卷或观医书时惊意外之疾虽临终犹手不释卷云

候选州正堂年家眷姻弟张元灯拜撰

誠一公紀畧

公諱昭融字誠一沉毅果決讀書務精熟行文灑瀟不可以行墨尺寸拘自先君鼎台公捐館慮家業消頽不辭勞瘁給口置產勸弟讀成名不致墮落人后洵克家令子也从叔禹建公歿委以家事剔棘累治蝟冗疲憊勞頓數載无少懈从弟学純病革亲付管钥曰吾事几难为得兄料理死瞑目矣公受弥留顾託慨然以身肩任多方调度不使纤悉无遗绝无难色夫屬以孤孀谁无激昂然苟其才不足以济困虽区区善心亦何益焉公受託以来尽心竭力任勞

雷氏宗譜

卷首下

誠一公紀畧

五九

一講易堂

任怨始终如一蓋不独丹心可对九原而无憾也公幼稼穡閒玩文籍若白藜悅口值不平鷓鴣敢言而能中解多有藉不持核整毒莫敢誰何公独慮其渊从匪辟为人心害毅然首公除之慙一警百风俗遂丕变翕然从正焉是大有功於一乡者夫有善行者必有善报其子焕常俊伟不群负笈从余受业将拭目观其成焉

庠生世弟桃溪王一相拜撰

雷刘氏纪畧

雷刘氏讳昭豪字国杰之妻小港刘氏女也姑周氏性朴诚国杰家贫刘氏处之但急急求以事姑无怨望之言亦怡然无愠色姑其夫尝曰吾无炊亦乐度日凡至其家者虽卑幼日数见刘氏必以礼相待其事姑也盞监杯羹但以奉姑不一八口或遣以异味必存以奉姑周旋姑侧孺慕依依朝夕唯谨虽孝子之於慈父母无以加也故偶尔归甯姑郎号眺如有失某年奇荒有诱国杰至富室强乘者国杰则曰吾宁食草岂肯为此刘氏亦以为然今年几五十子四娶一

雷氏宗譜

卷首下

雷刘氏行略

六〇

講易堂

媳生孙矣姑年八十餘以寿终境几顺焉本素闻其贤及监修族譜众敬爱乎刘氏非能读诗书闻婉婉之训者是至性之发虽富贍荣贵之俦有所不能及矣其后之兴可以预卜因书之以为舅姑者劝

心斋昭本撰

广甯公傳

公讳昭坤字广宁号静川一号云岭闽人英姿俊质聪颖特异以逸情播为谈笑时流韻趣於齿颊之间诵读潇洒随意而易於精熟搦管挥毫敏捷若不经思而几於俄成七纸历襄樊遊鄢峽得助於山川景物之胜文思愈见迅发归训子弟宽严並济群化导於循循善诱之中曲成多人者与诸族长编辑潜牒笑语间笔翰如流性嗜酒时值杯酌即乐而忘忧久应县府院试不辞疲劳而愿卒莫能遂临终倦念诗书犹不忘青云之志至其婉转从俗仍复岸异不失文人

雷氏宗譜

卷首下 广甯公傳

六一

雷氏宗譜

雅致於庭帙间爱敬和乐一家群无间言虽既歿恒思念不置云

契弟晏景泰拜撰

雷張氏節傳

雷張氏雷世軒之妻未及禮成而翁姑早逝及偕緣后生子煥古甫及岁世軒忽患热病張氏自昏达旦疲惫堪矜而夫病终不起張氏痛不欲生以尚有子可抚故志矢柏舟以持门户冀有成立将以告无憾於九原也无何子年毀齒而更殇矣夫古来节义当一发危系之秋莫不呵护遗孀时祝天佑竟不能如愿殆关气数而屢经拂鬱能完全名节始终矢志靡他者诚非易易張氏哭泣闷绝几死者数矣慨念子夭则夫嗣中绝纵不能保全一脉岂忍血食终斩於是初

雷氏宗譜

卷首下

雷張氏节傳

六二

襄陽易堂

志愈坚抱育堂伯子煥琦承祀使夫无子而有子克全憾不独一时愤激为然也盖自伤雄鹄之早离抚孤孩杜治生计即断彩红销铅华於无有务期死者复生生不愧死也今年已四十餘矣将为子授室焉行见志洁行完堪副 旌表永垂芳徽於不朽也

襄陽府儒學正堂余國賓敬撰

繹振公傳

公諱昭楚字繹振号晴川 永清公次子也敏而好学凡经卷子史
五夜残灯手不释卷每师友有所俾授即奉为箴铭恒服膺而弗忘
年未及冠而学已成德为人卑牧自处又果毅不靡父兄之辈不敢
轻出一言耆老之前不敢妄擅一事即不敢攀亦抑然自下并无矜
己上之心至事牢记难以推诿者则竭其才力直概然任之而不辞
疲惫故勤於教授肩迪者众同 伯启蒙公开载籍之於 玉四公
一支独任缉录而不惮烦劳其勤俭皆性之所近而实其学之所就

雷氏宗譜

卷首下 繹振公傳

六四

雷氏宗譜

苟天假之以年行见荣登仕籍观光上国奈运蹇数奇以三十四岁
而歿人之杰而算之促惜哉

邑庠生眷世弟董怀忠拜撰

